

DISSERTATIO ACADEMICA

DE

SATIRÆ ORIGINE.



Quam

Conf. Amplisf. Facult. Philos. Aboëns.

PRÆSIDENTE

Mag. FRANC. M. FRANZEN,

Hist. & Phil. Praet. Prof. Reg. & Ord.

PRO LAUREA APOLLINARI,

Publicæ bonorum censuræ offert

CAROLUS HENRICUS STRANDBERG,

Stip. Arckenholz. Nylandus.

In Audit. Majori die x Maji MDCCCI,

Horis confuetis antemeridianis.

ABOÆ, typis Frenckellianis.

VIRIS ADM: REVERENDIS atque PRÆCLARISSIMIS,
D:no Mag: DAVIDI SEVON,

*Ecclesiarum, quæ in Kisko & Suomusjervi colligantur,
Pastori meritissimo.*

D:no Mag: ERLANDO
ROSENBACK,

Archidiacono Ecclesiæ Cathedr. Aboënsis,

Fautoribus meis benignissimis !!

*In gratiæ mentis significationem, Vobis, Viri Admodum
Reverendi & Præclarissimi, hunc ingenii quidem he-
betioris fætum, cum calidissima gratiæ Divinæ, per-
petuæque incolunitatis adprecatione, offert, atque fa-
voris Vestri perpetuitati seipsum commendat; donec vi-
vet, futurus.*

ADM: REVERENDORUM & PRÆCLARISSIMORUM
NOMINUM VESTRORUM.

cultor: devotissimus:

CAROLUS HENRICUS STRANDBERG.



De Satiræ origine.

§. I.

Ut in plurimis litibus eruditorum, sic in quæstione de origine Satiræ, utrum Græca sit, an Latina ^{a)}, agitanda, multus labor multaque perturbatio evitata esset: si res, de qua ageretur, satis fuisset definita. Varia nempe sunt carmina, quæ vitia & stultitias hominum vel serio, vel cum risu animadvertisunt; quæ itaque satirica dici possunt. Talia apud omnes fere gentes mature facta sunt. Turpitudinis enim non minor fere, quam pulchritudinis, est vis, animos hominum movendi, & insitum in humana natura imitandi studium excitandi. Quare videmus, etiam infantes vitia vel corporis vel gestuum, quæ in aliis obseruant, cum irrisione imitari.

A

Quam-

(a) Latinam Satiræ originem defendit inter cæteros CASAUBONUS de *Satyrica Græcorum poësi & Romanorum Satira* L. II. c. 2; cui consentit SPANHEIM in Dissertatione *Sur les Cœurs de Julien*: Græcam vero JULIUS SCALIGER Poëticas Libro I. c. 12. & DANIEL HEINSIUS de *Satyra Horatiana* L. II.

Quamdiu disjunctior esset hominum vita: non nisi naturæ phænomena, deorum laudes, heroumque facta vates canebant. In conjunctiore autem societate multiplicata sunt vitia, & proprius spectata: quo facto poëtæ, quorum irritabilior animus turpitudine vitiorum & stultitiae facile moveri solet, ad carmina satirica fingenda eo potius ferebantur, quo citius observaverant, plurimorum hominum vel malignitati, vel ridendi studio, ea maxime placere: unoquoque scilicet, non suam, sed vicini imaginem, in pictura illa turpiori inveniente. In oppidis igitur & vicis natam esse poësin satiricam, non sine ratione autemam; nec ulli genti propriam, sed omnibus fere gentibus communem, quæ Musas coluerunt, eo audentius contendimus, quo facilius id historia Poëseos, recentioris quoque, confirmare possumus. Cum enim hæc in provincia Gallorum nata erat, non erotica tantum, sed etiam satirica fuit: mores ævi & vitia principum carminibus, *Sirventibus* appellatis, depingens (b). Satirica quoque Italicarum litterarum antiquissima specimina plura fuerunt: *Boccacii* e. c. famosæ novellæ. Quin, *divina* illa *Dantii comoedia*, epicum etsi carmen, satiricum saepius prodit poëtam, cædes & rapinas civium suorum non modo dolentem, sed etiam increpantem. Inter veruissima litterarum Anglicarum monumenta, carmina sunt, cum lyrice narrativa (Ballads), tum descriptiva, quibus temporis sui mores & facta poëtæ antiquissimi (*Hickes* e. e.) irriserunt, monachos in primis & cauñrum patronos pungere soliti (c). Eandem satiræ vim in Germanorum antiqua poësi

(b) Vide Charaktere d. vornehmsten Dichter, oder Nachträge zu Sulzers Alg. Theorie d. Ich. Künste, Vol. 4, p. 302.

(c) V. l. c. vol. 3. p. 255, 257.

poësi observare licet. Quæ ejus opera vel hodie restimantur, satirici sunt argumenti: *Reinicke Fuchs* v. c. *Henrici von Alkmar*, quod carmen nova sua elaboratione dignum *Götthe* habuit, *Das Narrenschiff Sebastiani Brañd*, &c. Satiricum est specimen antiquissimum nostræ quoque poëeos: *Hercules Stjernhjelmii*. Quin, apud Fennos nostros narrationes irrisoriae antiquitus sunt caneitatæ.

Ex his jam analogiæ ratio augurari jubet, neque apud Græcos, felicissimos omnium Musarum cultores, Poësin Sauricam fuisse neglectam. Quod etiam historia literarum Græcarum fatis superque confirmat. Quæ scilicet docet: illum non una forma, sed omnibus, epica, lyricalia, dramatica & didactica, a Græcis fuisse elaboratam.

§. 2.

Epica forma antiquissima fuisse videtur. Nihil enim communius est inter homines, quam facta de se invicem narrare, ut præclara, sic turpia, reprehendendi & irridendi causa. Quæ poëtice depicta & cantu expresta, popularem non potuerunt non obtinere famam. Talis generis *Murgitem* Homeri fuisse, probabile est: cuius carminis epicè ad comœdiā eandem fuisse rationem, ac Iliadis ad tragœdiā, Aristoteles Poët. c. IV.) obiervat. Forte Thersitis in Iliade descriptio spiritus satirici, qui illud animavit, exemplum haberi potest.

A quo genere, quamvis omnia poëmata olim canerentur, valde tamen differt lyricalia satira, cuius auctor *Archilochus* vulgo habetur. Perditi quidem sunt (fragmentis tantum extantibus) iambi illi famosi. quibus inimicos suos ita crudeliter laceraverat, ut ipsi sibi mortem (si credi possit) per turbatione animi moti, consciyerint.

Ex epodis tamen Horatii, qui, ut ipse fatetur, Archilochum imitatus est (*d*), de indole eorum judicare licet. Præter *Arcbilochem* autem *Hipponax* quoque & *Simonides* (non ille, qui Ceo erat natus, sed alius) satiricas fecerant edas. Hujus superest fragmentum in feminas apud Stoëbium (Serm. LXXI). Ejusdem generis carmina vel hodie frequenter componuntur, et oribus hominum celebrantur. Tales sunt Gallorum *Vaudevilles*: lepore tamen & festivitate ab acerbioribus illis antiquorum poëtarum iambis distinctæ. Dramatica autem Poësi deinde Athenis inventa, satira quoque soccum induit; quo sibi mire placebat, ita a Græcis perfecta. Aristophanem tibi nominasse, sufficiet; ut de intima poëeos dramaticæ & satiricæ in Gracia coniunctione non dubites.

Sed præter has tres formas, quartam etiam, didacticam scilicet, a Græcis satiræ fuisse adhibitam: satis constat. Quædam Hesiodi operum & dierum loca (e. c. v. 172-210) ad characterem satiræ seriat prope accedere, nobis quidem videntur. Sed cum fines poëeos satiricæ & dramaticæ interdum ita confundantur, ut diversa genera non facile distingui possint (sic v. c. carmen Leopoldi, *Förtsjénßen*, utrum satira sit, an carmen mere didacticum, non dijudicemus): hanc de Hesiodi carmine observationem ad demonstrandam satiræ didacticæ apud Græcos originem non adhibebimus. Silli autem celebrati, quos & *Xenophanes*, Philosophiæ Eleaticæ auctor, in poëtas Homerum

(d) —— Parios ego prius iambos
ostendi Latio; numeros animosque fecutus.
Archilochi., Epist. I. 19.

merum & Hesiodum (*e*) & *Timon*, Pyrrhonis discipulus in philosophos (*f*) composuerant: quid erant nisi satiræ didactæ? Satiræ nempe erant: quia versibus irrisoriis temerarias poëtarum & philosophorum opiniones, nec opinions tantum, sed arrogantiam quoque & vanitatem ingenii eorum, lacerabant. Didactici autem habendi sunt, non materiae tantum causa, sed etiam formæ: quæ, et si dialogistica interdum esset (in 2:0 scilicet & 3:0 libro Sillorum Timonis Xenophanes, qui solus in primo differuerat, cum Timone interloquitur), haud tamen dramatica erat: cum scilicet non actionem & fabulam, sed contemplationem contineret. Quis enim, sola dialogi ratione ductus, libros philosophicos Platonis & Ciceronis, vel satiras quasdam Horatii, dramata esse, contendat?

Extra omne igitur esse dubium videtur, poësin satiricam, si propria ejus est vis, errores & vitia hominum irridendo persequendi, a Græcis jam excultam fuisse: & quidem omnibus formis haud infeliciter tentatam.

§. 3.

Hæc autem conclusio, quomodo concilianda est testimoniis & Horatii & Quintiliani? Quorum ille (Sat. I. 10. 66.) satiram esse *Græcis intactum carmen*, observat: hic autem (Inst. Orat. L. X. c. 1.) idem hi& verbis confirmat: *satira quidem tota nostra est*.

A 3

Haud

(*e*) V. Diog. Laërt, de Xenophane.

(*f*) V. Diog. Laërt, de Timone, & Sextum Empiricum variis locis.

Haud quidem negamus, novum quasi poëeos satiricæ genus, cui deinde proprium mansit satiræ nomen, a Latinis esse inventum. Quod scilicet primum a satiris epicis, lyricis, & dramaticis Græcorum, forma est distinctum, quæ neque fabulam continebat, neque ad canendum apta erat. Deinde a filiis eo differebat, quod non in orbe tantum eruditorum criticam exercens artem, figura & dogmata poëtarum & philosophorum cum irrisione exponendo, scientiam humanam illustraret & corrigeret; sed in vita civili, urbica præsertim, speculum hominibus quasi prætereuntibus, cum ritu vel pudore considerandum, tenendo, mores eorum reprehenderet & castigaret. Eandem fere differentiam inter filios Græcos & satiram Romanam sentire nobis videmur, ac inter librum de arte poëtica Horatii & satiras ejus observamus. Illius enim libri plurima loca (e. c. initium & finis) ignem fontent, cujus satiricæ scintillæ non artis tantum præcepta illustrant, sed risum etiam lectoris movent, multos sine dubio poëtas latinos, vel Horatio coœvos vel eo antiquiores, præcipue dramaticos, perstringentes (g. Haud tamen

(g) Jam *Jul. Cæs. Scaliger* in præfamine ad Poët. de hoc Horatii opere hæc protulit verba: "Horatius artem quum inscripsit, adeo sine ulla docet arte, ut Satiræ proprius totum illud opus esse videatur". Quam negligenter projectam tentiam *Baxterus* ad Horatii artem dijudicandam rectius adhibuit & accuratius expresit: Satira hæc est, inquit, in sui faculi poëtas, præcipue vero in Romanorum drama. Qnod judicium recentiori tempore *Michaël Engel* auctor libri: Horatzens Epittel an die Philosophen, mit einem durchgängigen Commentar und Anmerkungen, Mainz 1791, renovavit.) Cfr. *ErgänzungsBlätter*

men contendimus, Horatium in hoc carmine componendo fillorum exemplum sibi proposuisse: quamvis cum Pilonibus de arte poetica ita colloquens, ut Xenophanes cum Timone (in filiis hujus) de philosophia disterebat, præcepta poetica cum vitiorum animadversione ita conjungeret, ut hic sententias philosophicas acutas & novas, in irridendis philosophorum conatibus, non raro protulisse videtur (b. Sed ejusdem tamen generis Timonis & Horatii carmina ita nos posse habere nobis videmur, si differentiam, & ex ingenii atque consiliis peculiaribus utrius-

ter zur Alg. Lit. Zeit. 1802. N:o 4. Omnes tamen difficultates, quæ in coherentia carminis hujus dijudicanda eruditos turbarunt, hoc judicio sublatæ esse non videntur. Si enim meram satiram Horatius scribere vellet: cur, non modo præcepta, sed historiam etiam Poëeos multis locis adtingeret, quæ satirica haberi non bene possunt (Videbis v. c. v. 75-85, 251-259, 275-284, 391-407)? Cujus autem rei rationem clare perspicias, si cum ista sententia, Wielandii hypothesin conjungas; qua, Horatio fuisse consilium, Pilonem filium, quem v. 566 sqq. singulum alloquitur, e variis poëmata singendi conatibus, præcepta, historiam gravitatemque artis exponendo, & facete & efficaciter retinendi, ingenuo auguratur. Qua ratione mixtum quoddam Poëeos genus, & satircum & didacticum, sub manibus poëtæ & ludentis & docentis exortum est: filiis Græcorum, si judicare audemus, prius, quam satiræ Latinorum.

(b) "Neben der Persiflage waren gewiss auch sehr helle Gedanken und Gründliche Kritiken des dogmatischen Verfahrens eingewebt." *Tennemann Geschichte der Philosophie* 2 B. p. 178.

utriusque poëtæ, & e majori artis poëticæ, quam philosophiæ, popularitate, oriundam, observamus.

Atque si satiram Romanam proprius spectamus, illam ex omnibus poëseos generibus quasi commixtam esse, animadvertisimus. Quatenus enim factorum & morum picturam exhibet, saepe narratione utens, saepe dialogo: & epica est & dramatica. Videsis, inter plurimas Horatii, Persii & Juvenalis satiras, nonam Horatii in libro primo. Quatenus autem res contemplatur & docet, nec sine animi affectu vel lato vel tristi: non modo didactica est, sed etiam lyricalia interdum. Nonne e. c. hic Persii locus (*Sat.* 3. v. 35-43) totus est lyricus: etsi externa odæ forma, numeris sc. lyricis, caret?

Magne pater Divum! favos punire tyrannos
haud alia ratione velis: cum dira libido
moverit ingenium, ferventi tincta veneno;
virtutem videant, intabescantque relictæ.
Anne magis siculi gemuerunt æra juvenci;
& magis auratis pendens laquearibus ensis
purpureas subter cervices terruit? Imus,
imus, præcipites, quam si sibi dicat, & intus
palleat infelix, quod proxima nesciat uxor?

Quid enim est internus poësis lyrice character, nisi contemplatio pathetica? Quod autem pathos te fortius unquam movit, quam quod in hac conscientiae descriptione poëta prodit, vere sublimis. Lyricus est spiritus in plurimis etiam Juvenalis satiris: cui scilicet indignatio versum fecit. Haud tamen contendimus, ullam satirarum Romanarum esse mere & proprie vel epicam vel dramaticam vel lyricalam: omnes enim sunt didacticæ, h. e. docendi causa

causa contemplativæ; sed contemplatio sæpe in fabulam; sæpe in colloquium est mutata, atque semper vel cum risu, vel cum graviori animi affectu conjuncta. Doctrinam autem poëta satiricus sub pictura sua quasi abscondit: ita e didactico distinctus, qui præcepta quasi professa tradit. Diximus autem, contemplationem satiricam aut jocose aut serie fieri: non enim Horatius solus, qui circa præcordia ludit, nec nisi ridendo verum dicit, sed etiam Persius & Juvenalis, generis illius exempla dederunt, quod paucis ante definire debuimus, quam in originem ejus ulterius inquireremus.

§. 4.

Novæ igitur, Romanisque propriæ, satiræ ortum investigaturis nobis: duæ sunt quaestiones solvendæ. Una est: utrum ab alio quodam poësos genere illa sensim exorta sit, an semel inventa? Altera est: utrum inventor ejus Ennius fuerit, an Lucilius?

Quod ad primam attinet quaestionem, & analogia omnium rerum inventarum, & testimonia satis clara & certa, quæ mox citabimus, nobis credere faciunt: satiram non semel, sed sensim, illum induisse habitum, quo novum exhibuit genes. Utrum vero a satyrico Græcorum dramate, an a Latino aliquo carmine nata sit: lis fuit inter eruditos satis vehementer agitata. Qui illud affirmant, consonantia fere vocabulorum satiræ & satyrorum decepsi videntur. Si enim & ex unico, quod nobis superest, dramatis satyrici exemplo, Cyclopem loquor Euripiidis, & ex ipsa origine & consilio hujus ludi judicare licet: drama hocce Bacchanale partim fuisse serium, utpote sacrum, diisque præfentibus actum, atque heroicum;

utpote facta præclara & deorum & hominum exhibens, partim comicum, utpote effrenata illa licentia, quæ diebus festis, Baccho celebratis, omnia agitabat & perturbabat, animatum, primum persuademur. Deinde facile patet: vim comicam harum fabularum, (quarum auctores ita e miris & fere comicis in Odyssea commentis, ac tragœdiæ scriptores ex Iliade, materiam suam hausisse videntur), talem fuisse, ut jocis agrestibus & lascivis, actione ludicra, saxe obſcena, perlonisque comicis, quales Silenus, Satyri, ceterique Bacchi comites, Cyclopes, aliaque monstra gerebant, potius quam vitiis & stultiis hominum animadvertisse & irridendis, quod satiræ est proprium, turba spectatorum exultantium delectaretur. Non tamen negamus, jocis hisce Bacchanalibus dicteria etiam, mores & actiones civium perstringentia, admixta forte fuisse. Ad solennem scilicet dierum sacrarum celebrationem, ut apud christianos medio ævo, sic apud antiquas gentes, hoc pertinuit, ut se invicem verbis maledicis cives irritarent (*i.*). Sed pro certo habemus, dicteria ista, scuriles potius fuiste jocos & convicia, quam satiricas morum reprehensiones. Cum autem in confessio sit, comediam antiquam hoc præcipue e cereris dramatis generibus distinxisse, quod illa cives & homines notos in scena imitaretur moresque eorum irrideret: ex illius potius fonte, quam e ludo satyrico, satiram Romanam, quæ idem agebat negotium, esse exortam, credi possit. Quod etiam Horatius (initio Sat. IV. L. I) his verbis confirmare videtur ::

Eupo-

(*i*) Cfr., Sulzers Allgemeine Theorie der schönen Künste : Satire.

Eupolis, atque Cratinus, Aristophanesque Poëtæ,
 atque alii, quorum comœdia prisca virorum est,
 si quis erat dignus describi, quod malus, aut fur,
 quod mœchus foret, aut sicarius, aut alioqui
 famosus: multa cum libertate notabant
 Hinc omnis pendet Lucilius, hosce secutus,
 mutatis tantum pedibus numerisque. - -

Contrariam quidem de origine latiræ Luciliæ sententiam
Donatus his verbis, quæ in prolegomenis Terentianis (v.
 edit. Lindenbrogii) occurunt, significare videtur: "Cum
 poëtæ (priuici Græcorum) abuti licentius stilo & passim læ-
 dere ex libidine cœpissent plures bonos, ne quisquam in
 alterum carmen infame proponeret, lege lata, siluere. Et
 hinc deinde aliud genus fabulæ, id est satyra, sumvit exor-
 dium: quæ a Satyris, quos illatos semper ac petulantibus
 deos scimus esse, vocitata est, et si aliunde nomen traxisse
 prave putant alii. Hæc, quæ Satyra dicitur, ejusmodi
 fuit, ut in ea quamvis duro & veluti agresti joco, de vi-
 tiis civium tamen sine ullo proprii nominis titulo carmen
 esset. Quod item genus comœdiae multis obfuit poëtis,
 cum in suspicionem potentibus civibus venissent, illorum
 facta descripsisse in pejus ac deformasse genus stilo carmi-
 nis: quod primo Lucilius novo conscripsit modo, ut poë-
 sin inde faceret, id est, unius carminis plures libros. Hoc
 igitur, quo supra diximus, modo coacti omittere satyram,
 aliud genus carminis την ρεαν παραδιαγ, hoc est novam co-
 modiam, reperere poëtæ" &c Ex hoc igitur loco, quem
 in tota hac eruditorum disceptatione neglectum esse, *Blan-*
kenburg k, observat, *Manso* (l) alium non potest eruere
 B 2 sen-

(k) Vid, ejus Annot. ad Sulzeri citatum Librum Th. 4. p. 158.

(l) In libro: *Charakt. der vornehm. Dichter*, 4 B. p. 411.

sensum, quam quem Horatiani illi versus continent. Hoc quidem nos non contendimus: sed parvi tamen momenti ad Horati auctoritatem infringendam, vagam hanc & confusam Grammatici commentationem esse, existimamus. Quæ scilicet non unum tantum errorem continet. Primum enim falsam narrat dramatis satyrici originem: quod neque comœdia antiqua recentius fuisse, nec e lege quadam in illius petulantiam lata, sed e solennibus sacris, una cum tragœdia esse natum: nulla est dubitandi causa (m). Deinde cum Donatus dramatis satyrici characterem hunc fuisse dixerit, ut de vitiis civium sine ullo proprii nominis titulo carmen esset: male ex ea originem satiræ Lucilianæ derivavit, quæ nempe, non modo Horatio (Sat. II. 1. 62 sqq.), sed etiam Persio (Sat. 1. 114) aliisque testantibus, nominibus propriis haud pepercit. Quo igitur respectu illam rectius cum comœdia antiqua Græcorum Horatius I. c. comparat. Ceterum non de prima satiræ latinæ origine, sed de simili tantum Lucilii & Aristophanis libertate in malis describendis civibus, poëtis versibus, se ipsum quasi excusans, monere videtur. Quare illi non impediunt, quin aliam inventæ illius causam, si investigari possit, approbemus.

Quam nobis satis claram & probabilem hæc T. Livii verba (Hist. Rom. L. VII. c. 2) offerunt: "Histriones, inquit (de auctoribus loquens ludorum scenicorum, gravis pestilentia causa ex Etruria Romanam translatorum), non sicut ante Fescennino versu similem, compositum temere ac rudem alterni jaciebant: sed impletas modis *satiras*, descripto jam ad tibicinem cantu, motuque congruenti, peragebant." Si hæc cum illis comparayeris, quæ Valer. Max.

(m) Vid. Casaub. I. c. L. I.

Max. L. II. c. IV. refert: "Paulatim deinde ludicra ars ad satyrarum modos perrepit", facile intelliges, satiras fuisse antiquum Romanorum ludum, quo verlus canebantur, joci causa a juvenibus alternatim ut videtur projecti. Qui deinde, addita adiōne histronum, id fere factus est, quod nos melodrama appellamus. Actionem scilicet simplicissimam lyrico carmine, quod musica modulatio sequebatur, expressit; sed ludicram, non tragicam: quia versibus Fescenninis, convitiorum plenis, satira a Livio est comparata. Hęc carminis hujus & definitio & origo satiris probat, illud cum satyrico Græcorum dramate nil commune habuisse, nisi joci studium. Satyrorum nulla apparent in Romanorum ludo vestigia: neque fabulam ille continebat. Mox enim T. Livius l. c. addit: "Livius (Andronicus) post aliquot annos ab satiris aulus est primus argumento fabulam ferere." Idem Valerius Maximus: "A satiris primus omnium poëta Livius ad fabularum argumenta spectantium animos transtulit" ^{n.}.

B 3

Ex

(n) Clarum hoc de origine & natura ludi satirici Romani testimonium scriptoris, omne sive digni, Manso neglexit, l. c. p. 411. haec in medium proferens: Die dramatischen Satiere der Römer, — ihre Attellanen waren, aller Wahrscheinlichkeit nach, den komisch-satyrischen Stücken der Griechen höchst ähnlich, und aus ihnen entsprungen. Satire ludum a fabulis Attellanis fuisse diversum, initio faltem, vel inde patet, quod ille nullam continuit fabulam. Postea autem juventus Romana, teste Livio (l. c.), fabulis Attellanis exodia conferere instituit, quæ inter se more antiquo ridicula, intexta versibus jactitare cooperat (satiras certe intelligit. Cfr. Casaub. p. 241). Fabulas quoque Attelianas & originis & characteris non Græci fuisse: haec Val. Max. (l. c.) verba credere faciunt; Attellani au-

Ex hoc igitur ludo, cujus nomen (*satira* & *satura* sive
pius quam *satyra*, antiquitus scriptum), an a *satura*, lancee
variis primitiis factis referta, ortum sit, alii, duce Casau-
bono (L. II. c. IV.) dijudicent, poëma satiricum, de quo
dillerimus, natum esse, nobis quidem indubium videtur.
Quod vero non repente, sed sensim factum est. Inter duo
nempe hujus carminis genera, Ennianum & Lucilianum,
esse distinguendum: hic Diomedis Grammatici locus L. III.
p. 482. ed Putschii) demonstrat: "Satira dicitur carmen a-
pud Romanos, nunc quidem maledicuum & ad carpenda
hominum vitia archææ comœdiaæ charactere compositum,
quale scriperunt Lucilius & Horatius & Persius. Et olim
carmen, quod ex variis poëmatibus constabat, *satira* vocab-
atur, quale scriperunt Pacuvius & Ennius." Quæ definitio
simil quæstionem illam alteram: utrum Ennius, au Luci-
lius satire auctor fuerit? facile solvit.

§: 5.

Hæc nempe e contrariis, ut videtur, testimoniis ve-
terum auctorum non potest non oriri. De Lucilio enim,
ut satiræ inventore, plurimi loquuntur, ipsi tamen satiras
Ennii, qui centum annos ante illum vixerat, commemo-
rant. Sic Donatus l. c. Lucilium primum satiram novo
conscriptisile modo, refert; ipse tamen satiras Ennii ad
Phormionem Terentii citat. Sic Quintil. l. c. Lucilium
primum

tem ab Oſcis acciti sunt: quod genus delectionis, Italica
severitate temperatum, ideoque vacuum nota &c. Cete-
rum Manso novissimum & laudatissimum de hac re aucto-
rem Eichstedt (de dramate Græcorum comico-satyrico;
Lipſiæ 1793) fecutus est. Quem vero legendi occasionem
nos non obtinuimus,

primum in satira insignem laudem adeptum esse, testatur;
 Alio autem loco (L. IX. c. 2) obseruat: Mortem ac Vi-
 tam in Satira contendentes tradere Ennium: Quin, Ho-
 ratus uno loco (Sat. L. II. 1. 63.) hæc habet:

*Quid? quum est Lucilius ausus
 primus in bunc operis componere carmina morem.*

Alio autem (Sat. L. I. 10. 64.) hæc:

*Fuerit Lucilius, inquam,
 comis & urbanus: fuerit limatior idem,
 quam rufus, & Græcis intacti carminis auctor,*

Ennius scilicet: Hanc vero contradictionem non veram
 esse, sed apparentem: citata illa Diomedis distinctio, satiræ
 maledicæ & satiræ antiquæ, nos satis superque docet.
 Patet scilicet Lucilium primum fuisse, qui, Aristophanis
 more, vitia ævi sui, nullo habito nominum respectu, de-
 scriberet; ad quem vero finem non comœdia usus est,
 sed carmine didacticō: quod jam Ennius e scena, ubi &
 agebatur & cantabatur, ad legentium manus transtulerat.
 Quales fuerint Enni & Pacuvii Satiræ, nobis quidem dif-
 ficile est auguratu: cum non nisi parva earum fragmenta
 ad nos pervenerint. Probabile tamen est, illas nulla ad-
 hibita fabula, quam neque in scena satiræ ludus ex-
 presserat, forte ne dialogo quidem descriptionem con-
 templativam interrumpente, morales pinxit characteres.
 Sic satira Enni, Alotus sive Sotadicus, 6 vel 4 libris, ho-
 minem perditæ & dissolutæ vitæ, didactice descripsisse vi-
 detur (o). Aliquid tamen dramatici, contentio profopo-
 poetica vitæ & mortis, de qua Quintilianus l. c. monet,

im

(o) Cfr. Manso & Blankenburg, ll., cc.

In satiris Ennianis mansisse, quod scenicam earum originem proderet, nobis credere facit. An vero Diomedis definitio, satiram antiquorem ex variis constituisse poematisbus, observantis, solam metri varietatem, ut plurimi eruditorum volunt, nec materiae quoque diversitatem significet: non dijudicemus. Sufficit maledicentiam & cum antiqua comoedia affinitatem esse notam, qua & ille & Horatius Satiram Lucilii distinguunt. Quae scilicet, nova fama carmini, jam non doctrinæ tantum sed etiam salis pleno, acquisita, forte etiam externa ejus forma correcta & mutata, novum creare genus dici potuit, illud scilicet, cui Horatii ævo & postea satiræ nomen proprium fuit: et si Ennio ea laus mansit, quod Græcis intacti carminis, antiquæ scilicet e scena oriundæ satiræ auctor fuerat, ut doctor potius & descriptor morum estimatus, quam ut irritor & castigator a cupidis lectoribus cum timore dilectus.